



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐ ՄԱՐԶԻ ԱՐՄԱՎԻՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Արմավիր համայնք
ՀՀ, Արմավիրի մարզ, ք.Արմավիր, , armavir.armavir@mta.gov.am

Ո Ր Ո Շ ՈՒ Մ

06 ՄԱՅԻՍԻ 2019թվականի N 265-Ա

ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

1. Վարչական ակտի առարկան.

«Վարչարարության հիմունքների և վարչական վարույթի մասին» ՀՀ օրենքի 34-րդ հեղվածով սահմանված կարգով Արմավիր համայնքի ղեկավարի աշխատակազմի ֆինանսատնտեսագիտական բաժնի վարիչ Ա. Գրիգորյանի 23.04.2019թ. թիվ 1351 զեկուցագրի հիման վրա հարուցվել է վարչական վարույթ՝ Նորայր Դանիելյանի չաշխատած օրերի համար ավել վճարված գումարի հետ գանձման հիմքով:
Նորայր Դանիելյանը, հանդիսանալով Արմավիր համայնքի ղեկավարի աշխատակազմի իրավաբանական բաժնի պետ 03.03.2018թ - 03.03.2019թթ. ժամանակահատվածի համար օգտվել է 24 աշխատանքային /20 նվազագույն և 4 լրացուցիչ/ օր արձակուրդից, սակայն արձակուրդի ավարտից հետո 07.11.2018թ-ին ազատվել է աշխատանքից համաձայն ՀՀ Աշխատանքային օրենսգրքի 112-րդ հոդվածի 1-ին մասի և «Համայնքային ծառայության մասին» ՀՀ օրենքի 33-րդ հեղվածի 1-ին մասին ա) կետի հիմքերով՝ անձնական դիմումի համաձայն: Վերջնահաշվարկ կատարելիս ի հայտ է դարձել, որ առկա է վերականգնման ենթակա գումար, որը կազմում է 38350 /երեսունութ հազար երեք հարյուր հիսուն/ ՀՀ դրամ:

«Վարչարարության հիմունքների և վարչական վարույթի մասին» ՀՀ օրենքով սահմանված կարգով հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ թննության արդյունքում, բացահայտելով գործի բոլոր հանգամանքները, վարչական մարմինը հաստատված է համարում հետևյալը.

2. Վարչական ակտն ընդունելու համար հիմք հանդիսացող փաստերը.

Համաձայն Արմավիր համայնքի ղեկավարի աշխատակազմի ֆինանսատնտեսագիտական բաժնի վարիչ Ա. Գրիգորյանի զեկուցագրի և կից ներկայացրած տեղեկանքի Նորայր Դանիելյանի՝Արմավիր համայնքապետարանի նկատմամբ պարտավորությունն առաջացել է 03.03.2018 - 03.03.2019թթ. ժամանակահատվածի համար օգտված 24 աշխատանքային /20 նվազագույն և 4 լրացուցիչ/ օր արձակուրդի ավարտից հետո 07.11.2018թ-ին ազատվելու հետևանքով: Ետ գանձման գումարը՝ չաշխատած 8/ուր/ օրերի համար, կազմում է 38350 /երեսունութ հազար երեք հարյուր հիսուն/ ՀՀ դրամ:

ՀՀ աշխատանքային օրենսգրքի 213-րդ հոդվածը սահմանում է աշխատավարձից պահումներ կատարելու հիմքերը: Համաձայն նույն հոդվածի 2-րդ մասի՝

գործատուին ունեցած աշխատողի պարտքերը մարելու համար աշխատավարձից պահվում կամ գանձվում են՝

1) աշխատավարձի հաշվին աշխատողին տրված կանխավճարը.

2) հաշվարկային մեխանիկական սխալների հետևանքով կատարված ավել վճարումները.

3) գործուղման կամ աշխատանքի այլ վայր փոխադրվելու կամ առանձին գործողությունների կատարման համար աշխատողին տրված կանխավճարի չծախսված և ժամանակին չվերադարձված գումարը.

4) աշխատողի մեղքով գործատուին պատճառված վնասի հատուցման գումարը:

Նշված դեպքերում, եթե աշխատողի պարտքը չի գերազանցում նրա մեկ ամսվա միջին աշխատավարձը, ապա գործատուն իրավունք ունի կատարելու պահումներ, եթե կանխավճար վերադարձման համար սահմանված ժամկետը լրանալու, հաշվարկային մեխանիկական սխալներ հետևանքով կատարված ավել վճարումը կատարելու, կանխավճարի չծախսված և ժամանակի չվերադարձված գումարը վերադարձնելու և աշխատողի հասցրած վնասը հայտնաբերվելու օրվանից ուշ, քան մեկ ամսվա ընթացքում, պահումներ կատարելու մասին ընդունել է համապատասխան իրավական ակտ: Գործատուի պարտքերը մարելու համար աշխատողների աշխատավարձից պահումներ կամ գանձումներ կարող են կատարվել նաև, երբ աշխատողն ազատվում է աշխատանքից մինչև այլ աշխատանքային տարվա ավարտը, որի համար նրան տրամադրվել էր արձակուրդ: Այդ դեպքում գանձվում է չաշխատած օրերի համար վճարված գումարը: Այդ օրերի համար գանձումները կատարվում են, եթե աշխատողը աշխատանքից ազատվել է սույն օրենսգրքի 109-րդ հոդվածի 1-ին մասի 6-րդ, 7-րդ, 12-րդ, 13-րդ կետերով, 112-րդ հոդվածի 1-ին մասով, 113-րդ հոդվածի 1-ին մասի 5-րդ, 6-րդ, 8-10-րդ կետերով նախատեսված դեպքերում:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի բ) կետի համաձայն՝ վարչական մարմնի նախաձեռնությամբ հարուցված վարչական վարույթը կարող է կարճվել, եթե՝ օրենքի կամ իրավական այլ ակտի պահանջների խախտումների կամ դրանց կանխման հետ չկապված հարցով իրավիճակի փոփոխման կամ օրենքով նախատեսված այլ հիմքով վերացել է վարչական ակտի ընդունման անհրաժեշտությունը:

Ելնելով վերոգրյալից և ղեկավարվելով «Տեղական ինքնակառավարման մասին» ՀՀ օրենքի 35-րդ հոդվածի 1-ին մասի 24-րդ կետով, «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի բ) կետով, 53-րդ, 58-60-րդ հոդվածներով՝ **որոշում եմ.**

1. Նորայր Դանիելյանի վերաբերյալ 2019 թվականի ապրիլի 23-ին հարուցված վարչական վարույթը կարճել:
2. Սույն որոշումը կարող է դատական կարգով բողոքարկվել ՀՀ վարչական դատարան՝ «Վարչարարության հիմունքների և վարչական վարույթի մասին» ՀՀ օրենքի 70-րդ և ՀՀ վարչական դատավարության օրենսգրքի 73-րդ հոդվածներով նախատեսված կարգով՝ դրա ուժի մեջ մտնելու օրվանից երկամսյա ժամկետում:
3. Սույն որոշումն ուժի մեջ է մտնում կողմերին իրազեկելուն հաջորդող օրվանից կամ սույն որոշմամբ ուղղակիորեն շոշափվող անձանց վերաբերյալ տեղեկությունները հայտնի չլինելու դեպքում հրապարակման պահից, azdarar.am կայքի և /կամ համայնքապետարանի տեղեկագրերում հրատարակելու միջոցով:

ՀԱՄԱՅՆՔԻ ՂԵՎԱՎԱՐ՝



ԴԱՎԻԹ ԽՈՒԴԱԹՅԱՆ